

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj: S-22-1/25
Sarajevo, 25.4.2025. godine

Primljeno: 28-04-2025			
Org. jed.	Broj	Priloge	Vrijednost
05/1	-02-	199	/25

ZASTUPNIČKI DOM PARLAMENTA FEDERACIJE BiH ✓

n/r Dragan Mioković, predsjedavajući

VLADA FEDERACIJE BOSNE I HERCEGOVINE

n/r dr.sci. Edite Kalajdžić, sekretar

PREDMET: Odgovor na zastupničko pitanje, d o s t a v l j a s e

Veza: Vaš akt broj: 05/1-02-199/25 od 16.4.2025. godine.

Vaš akt broj: 03-04-562-4/2025 od 22.4.2025. godine

Poštovani,

Vašim aktom broj i datum gornji, Ustavnom sudu Federacije Bosne i Hercegovine dostavili ste zastupničko pitanje zastupnika Zastupničkog doma Parlamenta Federacije Bosne i Hercegovine Admira Čavalića, koji traži da se dostave informacije o broju institucija, agencija, direkcija, zavoda, javnih ustanova i drugih organizacionih jedinica na nivou Federacije Bosne i Hercegovine, sa podacima o njihovom sjedištu, razvrstanim po kantonima. Također, traži se i broj zaposlenih u institucijama i kantonalnoj lokaciji.

Obzirom da se Ustavni sud Federacije Bosne i Hercegovine finansira iz Budžeta Federacije Bosne i Hercegovine, a kako je gore navedenim aktima i traženo, na postavljeno pitanje dajemo sljedeći

ODGOVOR

Član 3. stav 3. Odluke o položaju, organizaciji, funkcionisanju, samostalnosti i upravno-materijalnoj nezavisnosti Ustavnog suda Federacije Bosne i Hercegovine („Službene novine Federacije BiH“, br. 6/18, 31/22, 82/22 i 18/23 i 48/24), propisuje da je sjedište Ustavnog suda Federacije Bosne i Hercegovine u Sarajevu.

Članom IV.C.3.9. Ustava Federacije Bosne i Hercegovine, propisano je da se Ustavni sud Federacije Bosne i Hercegovine sastoji od devet sudija, od kojih su najmanje po dva iz reda sva tri konstitutivna naroda i jedan iz reda Ostalih.

Organizacija Ustavnog suda Federacije Bosne i Hercegovine propisana je Odlukom o položaju, organizaciji, funkcionisanju, samostalnosti i upravno-materijalnoj nezavisnosti Ustavnog suda Federacije Bosne i Hercegovine.

Članom 34. naprijed navedene Odluke, propisano je da stručne i druge poslove za potrebe Ustavnog suda Federacije Bosne i Hercegovine vrši Stručna služba Ustavnog suda,

dok je članom 36. iste Odluke propisano da će se organizacija Stručne službe, uslovi i postupak izbora, postavljenja i razrješenja zaposlenih u Stručnoj službi urediti pravilnikom.

Pravilnikom o unutrašnjoj organizaciji, sistematizaciji i radnim odnosima Stručne službe Ustavnog suda Federacije Bosne i Hercegovine, broj: P-82/19 od 27.03.2019, P-145/21 od 8.12.2021 i P-68/23 od 5.4.2023. godine, propisan je broj zaposlenih u Stručnoj službi Ustavnog suda Federacije Bosne i Hercegovine, i to ukupno 29 službenika i namještenika. Međutim, stvarni broj zaposlenih u Stručnoj službi Ustavnog suda Federacije Bosne i Hercegovine je 17, od čega je 9 namještenika i 8 službenika.

Dakle, sjedište Ustavnog suda Federacije Bosne i Hercegovine se nalazi u Sarajevu, Kanton Sarajevo, te sa danom sačinjavanja ovog akta u Ustavnom sudu Federacije je zaposleno je ukupno 9 sudija i 17 službenika i namještenika, što ukupno čini 26, i taj broj je nepromjenjen posljednjih 10 godina.

S poštovanjem,

Predsjednica
Ustavnog suda Federacije
Bosne i Hercegovine


Aleksandra Martinović

Dostaviti:

- ① Naslovu
2. U spis.

